

Канон Пресвятой Богородице в честь иконы Ее Боголюбской

Празднование 18/1 июля

Тропарь, глас 1-й

Боголюбивая Царице, Неискусомужная Дѣво, Богородице Маріе, моли за ны Тебѣ возлюбившаго и рождшагося от Тебѣ Сына Твоего, Христа Бога нашего, подати нам оставление прегрешений, мірови мир, земли плодов изобилие, пастырем святыню и всему чловѣчу роду спасение. Грады наша и страны Россійския от нахождения иноплемѣнных заступи и от междоусобныя брани сохрани. О Мати Боголюбивая Дѣво! О Царице всепетая! Ризою Своєю покрый нас от всякаго зла, от видимых и невидимых враг защити и спаси души наша (дважды).

Ин тропарь, глас тойже

Слава, и ныне: Всепетая и всеславная Царице Богородице, Мати всея твари Содетеля, христианская надежда и заступнице, печальных утешение, ненадеющихся и отчаявшихся скорое надеяние, молим Тя: милостива буди нам, грешным, и не остави раб Своих, и не отрини моления верных, в скорбех и бедях пред честным образом Твоим избавления требующих. О Владычице, благая Помощнице! Ризою Твоею честною нас защити и от всех зол избави, молящи Сына Твоего, Христа Бога нашего, да спасет души наша, яко милосерд.

Песнь 1

Ирмос: Отверзу уста моя, и наполнятся Духа, и слово отрыгну Царице Матери, и явлюся, светло торжествуя, и воспою, радуясь, Гою чудеса.

Припев: Пресвятая Госпоже Богородице, услыши молитву раб Своих, молящихся Тебе.

Благоговѣют пред Тобою, Богородице, Ангелов начальницы и святых чини чѣстно служат Ти, праведнии красуются, князь же Андрей молится, и град Владимир похваляется свѣтло. Мы же, грѣшнии, припадая к Твоей святой иконѣ, Боголюбивая, милости просим: озари наша сердца, Пресвятая Дѣво Богородице.

Пресвятая Госпоже Богородице, услыши молитву раб Своих, молящихся Тебѣ.

Князь Андрей вопиаше со слезами: Пресвятая Царице Богородице, упование Христианом, умоли Сына Своего, Христа Бога нашего, о державе Твоей, Ты бо изволила еси в предѣлах страны Владимирския обители Своей славно создатися во имя Твое, Боголюбивая.

Слава: Приидите, христоименити людие, умы тайно очистившеся, притецем в храм Матере Христа Бога нашего, Боголюбимое место страны Владимирския яко Богоприятное селение видяще: в нем бо являет нам Свою милость Владычица.

И ныне: Под кров Твой, Богородице Дѣво, прибегаем вси роди человечести: просвети Боголюбивая, место святое торжества Твоего и мы, грѣшнии раби Твой, молящеся пречистой Твоей иконѣ, просим от Тебѣ прияти великия милости.

Спаси от бед рабы Твоя, Богородице, яко вси по Бозе к Тебѣ прибегаем, яко нерушимей стени и предстательству (поклон).

Песнь 3

Ирмос: Твоя песнословцы, Богородице, живый и независтный источник, лик себе совокупльшия, духовно утверди, в Божественней Твоей славе, венцев славы сподоби.

Пресвятая Госпоже Богородице, услыши молитву раб Своих, молящихся Тебѣ.

Заступнице и покров граду Владимиру и всякому граду и стране, буди нам помощница и прибежище, Боголюбивая, всех нас заступи, Госпоже Царице и Богородице, и во

всяких злых мѣстех вѣрныя сохрани́.

Пресвятая́ Госпоже́ Богородице, услы́ши моли́тву раб Свои́х, моля́щихся Тебе́.

Приими́ хвалу́ от уст на́ших недостойных, о Пресвятая́ Богородице, Де́во Боголюбивая, наде́ждо на́ша и похвало́! Покла́няемся Твоему́ пресла́вному образу́: мольбу́ приими́ о рабѣх Твои́х.

Слава: Пречи́стей ру́це Твои́, Цари́це и Богородице, ми́лостивно воздвигни к Сы́ну Твоему́ и Бо́гу на́шему, прося́щи отпу́щения согреше́ний на́ших, и жити́е на́ше исправи́, и вся́кия благода́ти испо́лни нас и ми́лости сподо́би.

И ныне: Пресвятая́ Де́во, Ма́ти Боголюбивая, сохрани́ рабы́ Твоя́ от вся́кия сопроти́вныя си́лы, и изба́ви от вся́кия напа́сти, и ра́дость ми́ру сотвори́ душе́вную и телѣсную, и презри́ нам вся согреше́ния.

Спаси́ от бед рабы́ Твоя́, Богородице, я́ко вси по Бо́зе к Тебе́ прибега́ем, я́ко неруши́мей стене́ и предста́тельству (поклон).

Господи, помилуй (*трижды*). Слава, и ныне.

Седален, глас 2-й

Молѣние тѣплое и стена́ необори́мая, ми́лости исто́чнице, ми́рови прибе́жище, приле́жно вопи́ем Ти: Богородице Влады́чице, предвари́ и от бед изба́ви нас, еди́на вско́ре Предста́тельствующая.

Песнь 4

Ирмос: Седя́й в сла́ве, на Престо́ле Божества́ во о́блаце ле́гце, при́иде Иису́с Пребоже́ственный нетле́нною длáнию и спасе́ зову́щия: сла́ва, Христе́, си́ле Твое́й.

Пресвятая́ Госпоже́ Богородице, услы́ши моли́тву раб Свои́х, моля́щихся Тебе́.

Ева́нгелия Христо́ва богогласный́ списáтель Лука́ написа́ образ Твой чуди́ный, Всенепоро́чная Влады́чице, и Младенца́

Ти Превѣчнаго на руку́ изобрази́: святы́й же князь Андрей в но́чномъ видѣнии узрѣв Тя, моля́щуюся за ны, даде́ нам образъ Твоего́ молѣния, к нему́же притека́ющія бѣды и напа́стей избавля́еши.

Пресвята́я Госпоже́ Богородице, услы́ши моли́тву рабъ Свои́х, моля́щихся Тебѣ́.

О Пресвята́я Дѣво Богородице, Ты изво́лила еси́ изы́ти из Гре́ческаго страны́ в чудотво́рномъ образѣ Твое́мъ и дойти́ до свята́го мѣста, иде́же и явила́ся еси́ князю́ Андрею́; он же, моля́ся Тебѣ́, со слеза́ми вопи́аше: Пресвята́я Дѣво Богородице, изба́ви нас от вся́кихъ бѣдъ и скорбе́й.

Слава: На Тя упова́ние возложи́хом, Боголюбива́я Ма́ти Дѣво, предста́тельницу Тя живота́ твёрду и непоколебиму́ стяжа́хом, моли́ о нас, рабѣхъ Твои́х, всеще́драго Бо́га.

И ны́не: Ты еси́ похвала́ и вене́цъ святы́мъ всемъ, вси на Тя по Бо́зе наде́жду возложи́хом и Тебѣ́ мо́лимся, Боголюбива́я Цари́це, Бо́жия Ма́ти, помо́щнице грѣшнымъ и спасѣ́ние рабо́мъ Твои́мъ.

Спаси́ от бѣдъ рабы́ Твоѣ́, Богородице, я́ко вси по Бо́зе к Тебѣ́ прибега́емъ, я́ко неруши́мой стѣнѣ́ и предста́тельству (покло́н).

Песнь 5

Ирмос: Ужасо́шася вся́ческая о Божѣ́ственной сла́ве Твоѣ́й: Ты бо, неискусобра́чная Дѣво, имѣ́ла еси́ во утробѣ́ над все́ми Бо́га и родила́ еси́ безлѣ́тнаго Сы́на, всемъ воспева́ющимъ Тя миръ подава́ющая.

Пресвята́я Госпоже́ Богородице, услы́ши моли́тву рабъ Свои́х, моля́щихся Тебѣ́.

Вся́кое мѣсто, Пресвята́я Дѣво Богородице, Своѣ́ю ми́лостью просвѣща́еши, гра́ду же Влади́миру и мѣсту Боголюбиму́му вели́кая похвала́ и утвержде́ние, в бѣда́хъ су́щимъ ско́рая помо́щница.

Пресвята́я Госпоже́ Богородице, услы́ши моли́тву рабъ Свои́х, моля́щихся Тебѣ́.

Проповѣ́дует пресла́вно вели́чя Твоѣ́ Лавра́, я́же во Твоѣ́

имя начало прият, Мати Божия Боголюбивая, хвалят молебницы, и величают чудотворный образ Твоего моления о нас, и глаголют: утверди, Господи, обитель сию.

Слава: Приспе днесь память твою, княже Андрее, радуется преславный град Владимир и Боголюбимое место красуется, зовуще: Пресвятая Дево Богородице, спаси нас и избави нас от всякия нужды и печали.

И ныне: Марие, златая кадильнице, страсти пагубныя отжени от нас и утверди нас непоколебимых, Пресвятая Дево Боголюбивая, не имамы бо инья помощи, разве Тебе, Владычице.

Спаси от бед рабы Твоя, Богородице, яко вси по Бозе к Тебе прибегаем, яко нерушимей стене и предстательству (поклон).

Песнь 6

Ирмос: Божественное сие и всечестное совершающе празднество, богомудрии, Богоматере, приидите, руками восплещим, от Нея рождаемого Бога славим.

Пресвятая Госпоже Богородице, услыши молитву раб Своих, молящихся Тебе.

Пришествием честного образа Твоего, Царице Богородице, осватила еси место Боголюбимое, на немже обитель Свою от древних лет сохраняеши, идеже и нас сподоби Тебе пети чистыми сердцы.

Пресвятая Госпоже Богородице, услыши молитву раб Своих, молящихся Тебе.

Не ужасайся, княже Андрее, и не дивися, видев образ Пречистой Богородицы, от Греческия страны изшедший, дойти же града Ростова не изволивший: се бо дойде до места святого, свыше пронареченного, и подвиже вопити тебе к Препоблагословенней: о Всемилостивая! моли о нас Сына Своего, Христа Бога нашего.

Слава: Воздвигнем руже свой горе и вознесем хваления Господеви: се бо воистинну прииде Пречистая Дева и Богородица Боголюбивая, вся озаряя верныя Божественною

Своею иконою.

И ныне: Храм живый и освященный сущи, Пренепорочная, пребезначальное Слово плотию родила еси, безсловесия мир избавльшее, избави и нас от напастей Твоими молитвами, Боголюбивая.

Спаси от бед рабы Твоя, Богородице, яко вси по Бозе к Тебе прибегаем, яко нерушимей стени и предстательству (поклон).

Господи, помилуй (*трижды*). Слава, и ныне.

Кондак, глас 3-й

Творение Патриарха Сергия

Дева днесь предстоит Сыну, руке Своей к Немужу простирающе, святыи князь Андрей радуется, и с ним Российская страна торжествует, нас бо ради молит Богородица превечнаго Бога.

Икос

Деву и Мати Боголюбивая, Царице Марие Богородице, милостивая ходатаице к Сыну Своему и Богу нашему за ны, рабы Твоя! Ты, Отроковице, благоизволила еси Твоему пречудному образу, егуже написа богоглаголивый Лука, первее от страны Греческия, потом же и от царствующаго града Киева изыти, по умолению благовернаго князя Андрея, и явити милость Свою новопросвещенным людем страны сея, но, не изволивши достигнути града Ростова, возлюбила еси пребывати в пределех Владимирских, идеже и явилася еси верному рабу Твоему, князю Андрею, молящися о людех Твоих Сыну и Богу Твоему, якоже древле святому Андрею в храме Влахернстем. Темже святыи князь Андрей, новописав Тебе, молитвенницу о людех Твоих, остави нам сей молитвенный лик Твой, Боголюбивая Мати, и основа обитель в месте Твоего явления, из неяже от чудотворныя Твоея иконы и по всей стране Российской милость, и помощь, и исцеление подаеши с верою приходящим к Тебе: нас бо ради молиши,

Богородице, превѣчнаго Бѳга.

Песнь 7

Ирмос: Не послужиша твѳри Богомудрии пѳче Создѳвшаго, но ѳгненное прещѳние мѳжески поправше, радовахуся поюще: препѳтый отцѳв Господь и Бог, благословѳн еси.

Пресвятѳя Госпожѳ Богородице, услыши молитву раб Своиѳх, молящихся Тебѳ.

Боголюбѳвому житиѳ первоначѳльник и наставник, княже Андрѳе, был еси и молебнѳ подвизѳлся еси пред пречѳдным ѳбразом Бѳжия Мѳтере, светлѳйши бо солнца возсия пречестнѳя икона Пресвятѳя Богородицы, Ейже молися спастѳся нам.

Пресвятѳя Госпожѳ Богородице, услыши молитву раб Своиѳх, молящихся Тебѳ.

Херувѳм и Серафѳм превѳйши явилася еси, Богородице: Ты бо едина прияла еси Невместѳмага Бѳга во утрѳбе Своѳй и благоволила дойти ѳбразу Твоемѳ Боголюбѳмага мѳста. Мы же, раби Твои, вси вѳрнии, пѳсньми Тя ублажаѳем.

Слава: Пресвятѳя Госпожѳ Дѳво Богородице, Мѳти Христа Бѳга нашего, всяко можѳши нам быти помѳщница, посетѳвшая чѳдным ѳбразом Твоим Боголюбѳмое мѳсто сие, Боголюбѳвая Владычице, посети и нас и не остави, якоже Самѳ вѳси, с вѳрою приходѳщих к Тебѳ.

И ныне: Приступи к чѳдному ѳбразу Боголюбѳвыя Богомѳтере великий князь Андрѳй и, простѳр рѳце свой, взем яко безценное сокровище, и возвести отцѳ своему, како чудѳсно из Вышеграда посети мѳсто Боголюбѳмое.

Спаси от бед рабы Твоѳя, Богородице, яко вси по Бѳзе к Тебѳ прибегаѳем, яко нерушимей стѳне и предстѳтельству (ПОКЛОН).

Песнь 8

Ирмос: Отроки благочестѳвыя в пещѳ Рождество Богородичѳ спаслѳ есть, тогда ѳбо образѳемое, ныне же дѳйствуемое, вселѳнную всю воздвизѳет пѳти Тебѳ: Господа пойте, дела, и

превозносите Его во вся веки.

Пресвятая Госпоже Богородице, услыши молитву раб Своих, молящихся Тебе.

Приими моление наше, Пречистая Богородице, сохрани и заступи от всякаго зла и не отрини нас от Своего честнаго образа: Ты бо имамы молитвенницу теплу, и стену тверду, и покров нерушимый, и земли нашей великую похвалу и утверждение (дважды).

Слава: Радуюемся душею и веселимся сердцем, взирающе на образ Твой, Пресвятая Богородице Боголюбивая, имуще Тя державу непобедимую и утверждение непоколебимое, надежду, и упование, и душам нашим спасение.

И ныне: Помощница еси в скорбех, и в напастех, и бедах и в темницах избавление, на брани и в ратех заступление, Богоотроковице Чистая, и избавление всем верным человеком, и похвала, и граду нашему великое утверждение.

Спаси от бед рабы Твоя, Богородице, яко вси по Бозе к Тебе прибегаем, яко нерушимей стеной и предстательству (поклон).

Песнь 9

Ирмос: Всяк земнородный да възиграется, Духом просвещаемь, да торжествует же безплотных умов естество, почитающее священное торжество Богоматере, и да вопиет: радуйся, всеблаженная, Богородице, Чистая Приснодево.

Пресвятая Госпоже Богородице, услыши молитву раб Своих, молящихся Тебе.

Се Тебе, Пресвятая Царице Боголюбивая, посылается с небес Архангел Гавриил, Царя всех и Бога провозвестити пришествие и возгласити Тебе: радуйся, Благодатная, Господь с Тобою.

Пресвятая Госпоже Богородице, услыши молитву раб Своих, молящихся Тебе.

Радуйся, Мати Дево, радуйся, Пречистая, приятелище Божие, радуйся, свещнице Света, Адамово воззвание и

Евино избавлѣние, горó святáя и преслáвная и священнѣйшáя чертóже.

Слава: Ты еси похвалá христиáном, Владычице, Ты ору́жие на враги́ и стена́, к Тебѣ прибега́ем, Тя и ны́не на по́мощь призывáем: Госпожѣ Цари́це Богородице, спаси́ и сохрани́ правове́рныя лю́ди Тво́я, Боголюбивáя.

И ны́не: О Всемилостивáя христиáном помощнице! Не мóжет Тя воспѣти досто́йно ум челове́ческий и а́нгельский, я́ко всея́ тва́ри честне́йшую, небесных и земных сил сла́внейшую, всех бо Творца́ родила́ еси́ и Бо́га. Но, о Владычице, прими́ милостивно́ наше моле́ние, всегда́ бо на Тя надее́мся.

Спаси́ от бед рабы́ Тво́я, Богородице, я́ко вси по Бо́зе к Тебѣ прибега́ем, я́ко неруши́мей стене́ и предста́тельству (поклон).